

Sisa - Awa

1:1

Sóni wání meri merini anínká irarú ehwehne.

(Mátíyu 3.1-12, Árúka 3.1-9,15-17, Sóni 1.19-28)

1 Sisa Karáhéwé Manikáne ahninkáwá wíre. Kaweq ehwéh áwahewé

1:14-15

Sísaga Kehrari marákórápéq wene arambehri áhwáro ehwehne.

(Mátíyu 4.12-17, Árúka 4.14-15)

14 Mó kegá Sóni karábúsiipéq átówana Sísaga Kehrari marákórápéq pokéna Manikáne kaweq ehwéh teri terinúwe.

15 Teriena, Ibora awehraq tanáhráq míre. Manikánka wahnah wahnahnime aiq wahtoni puaq itene ahbabáq sueq kaweqtaq méq mah kawéq éhwéhnsábé aiq pútare aintáhiro úwe.

1:21-27

Sísaga owainawa kaqauwo ehwéhne.

(Árúka 4.31-37)

21 Segá Kápénéáma suwahpeq tunse ahrena ahrena wehekáh Sísaga momiwí nahtápéq kibekéna síwáhnorúwe.

22 Síwáhnoréna Mósísiga sehgióro ú ehweh síwáhnoro kegá síwáhnorunserah Sísaga íre miraúwe. Ahqáho. Wega págegeue síwáhnorú púara wene ehweh író kegá áhtenuwe.

23 Áhtenuwana owainawanka subiqmaq subiqmarú aní momiwí nahtápéq míowana owainawanka iwíáh atowana anotahtaq mahraréna

24 Sísao, are Néhsara suwahpeqte aní móne. Arega itewe aneraitaníbo? Iubiq iuanie seno? Are Maniká miéhrebeq kaweqtaq mía míaóna aní móne. Arewe aiq tagaríoge úwe.

25 Úwana Sísaga owainawansabé awehgu atena wensabé, Ehiya mé we auwe pokúno atowe.

26 Auwe pokúno atowana owainawanka mi aní kúrugúru atena kareéna we auwena pokúwe.

27 Pokúwara ómi míó kega anotah ahténéra ehmuníq éhmúnírera, Aneqpomo? O ehweh míre. Anotah wahnáh anínká síwáhnori serahnéna Sísaga págege ehwéhne owainawankákáqsábé, Miraoro i puara sega wene ehweh apubúue íráhwe uwe.

1:32-34

Sísaga áhnte awáhré ké kawerarito ehwéhne.

(Mátíyu 8.16-17, Árúka 4.40-41)

32 Mi wehekáh íó tupekútaq wehekeqká ómi awahre kereq owainawanka subiqmaq subiqmarú kereq meriqmera Sísaba mórítówe.

33 Mi kehiná suwahpeqte kégá ómi méhpeh sahuríówe.

34 Sísaga áhnte awahre ke kaweraritena áhnte owáinawámárí kaqsuowe. Owainawamarínká Sísá tagaríó púana wega se ehiyansá aritowe.

2:1-12

Sísaga aiayah pukia aní kawerato ehwehne.

(Mátíyu 9.1-8, Árúka 5.17-26)

1 Sísaga táhmaro wehekáh ména mitaq suena Kápénéáma suwahpeq kouwekúwara wene nahtapeq miéhre mitaq teri mahtaq terinuware írówe.

2 Irera áhnte kegá weba sáhatiówara kígíúnsabe mó kegá méhpeh íre míahrahuwana Sísaga kaweq ehwéh teriuwe.

3 Itaréitaré anítógá aiayah pukia aní sehgiwera weba suwe.

4 Séra ahtapeq kutaq áhnte wehekeqká nahupeq kígíúnsabe sega Sísaba íre kioráhéra nahnsorapéq kire Sísane ayahqonsoraq abogéh piruqmarera abahrabahrútaq aiayah pukia aní wene máhriqkakákáq sehitaqmaqme meqmera Sísá míorabeq márúnátówe.

5 Segá iwíáhéra, Sísaga kaweratanawire iwíáhuwana wega sene iwíáh tagéna aiayah pukia áninsábé, Náníbáq móne. Arene ahbabáq aiq kaweratoge úwe.

6 Úwara Mósísiga sehgióro ú ehweh síwáhnoro kegá tútuue méra sirupipeq iwíáhéra,

7 Mi ehwémmé aneqsabé irariro? Manikánsabe íre kaweq ehwéh atéhre. Ahbabáqsabe insega kaweraritahráhiro? Manikánka webataq wehukene ahbabáqsabe kaweraritahráhire iwíáhuwe.

8 Sísaga sene sirupipeqté íwíáh wene arupipeq tagéna sensabé, Itewe aneqsabé mira íwíáho?

9 Aiayah pukia ánínsabé aneq ehwéh teawínkono? Arene ahabáqsabe kaweratóge teawínkono? Are irigue arene máhriq mewe ah nogo teawínkono? Íre págege ehwéhme ahnabo?

10 Íné wehukení úku anínká mah marákó marákó wehukene ahabáq kaweritahráuge. Sokigi ainíboq tagaríáho éna aiayah pukia ánínsabé,

11 Teawínboq iro. Iriague arene máhriq mewe arene nahtapeq pokúno úwe.

12 Pokúno úwana irigue wene máhriq apubúe mewena pokúwara ómi mío kega tagéra áhtenue Manikánsabe íwíáh íwíáh atera, Mahna tahnsa morá ibora tagóne uwe.

4:35-41

Sísaga irarúnka sóiriq táqnáigú ehwehne.

(Mátíyu 8.23-27, Áruká 8.22-25)

35 Mi wehekáh tupekinaútaq Sísaga we kéro keyabé, Káwehu sebaebéq pokonehe úwara 36 we kéro kega mibeq sáhurió ke suera Sísá mío sipí kéwewera Sísá meqmera kuwe. Mó sipíwárinkákáq moráráq kuwe.

37 Anotah sóiríruwana wáninka sípiipéq kiegambenh agu aguúwana sípiipéq wání obenkíkinaútaq

38 Sísawe sípi ambarupéq ayahqno kunubaraq sugowe. Sugowara sega Sísá iriatera wensabé, Íwáhnoraníno, ite wánípipeq pukonehe únayabé anetaníbo íwíáhono uwe.

39 Uwana Sísaga irigéna sóiriqsabé, Táqnáigúno éna wánínsabe, Pehwehrué mé túbáh agúno úwana sóiriqka táqnáigúwana wáninka moq túbáh agúwe.

40 Túbáh agúwana wega sensabé, Aneqsabé áhreo? Aneqsabé ínénsabe íre aiq pútare aintaho úwara 41sega anotahtaq áhreéra seye náhenéra, Mah anímé insebo? Sóiriqkakáq wáninkakaq wene ehweh íréhre uwe.

5:22-24

22 Asiu kené momiwí nahtápéqté wáhnáh áni Sáirusaga mitaq séna Sísá tagéna áhtó púana wene aigárápí káuqmunue arehunseraráq ména wensabé,

23 Nániyahu pukinaire. Wenaneq koráhtoréhna kaweraginkehboq máho. Oga míankehboq máho éna pagu pagunúwana

24 Sísaga we kérowe.

We kérowara áhnte kegá moráráq kure Sísá kú ahtápéq we pehentáruq we pehentáruue kuwe.

7:18-23

18 Kasenuwana wega sensabé, Ite moq íre írátíaho? Wehukéninka táhutahurinka íre ahabáratéhre. Minayabe íre iraho?

19 Táhutahuqka wehukéniné iwíáhipeq íre túíre. Peh ahmbiupipéq tunse tueagire úwe. Sísaga mah ehwéh irarúmé, Moke táhutahuq nah naneq mire úwe.

20 Sísaga mó mahraréna, Wehukéniné arupipeqté íwíáhgá ahabáratéhre.

21 Wehukéniné arupipeqté, wene iwíáhipeqté, ahabáq iwíáh áhwárehre. Íre kaweq iwíáhwé, mahbi ahrari abariéwé, aebówé, wehuke subiq suewé,

22 mó aniné ahre weh abariéwé, mó aniné ménsámehnsánsabe aigará pabekime, íre kaweq sansámé, péhepehenéwé, íre mirao naneq miraimé, mó anínsabé íre kaweq iwíáh atewé, éhruruéwé, píribahriéwé, saiyoéwé,

23 moke mah ahabábáqmé, wehukéniné arupipeqté áhwárehre. Mahnawarínká wehukení ahabáratéhre úwe.

9:2-8

Sísane auranabiah mó kugú agú ehwehne.

(Mátíyu 17.1-13, Áruká 9.28-36)

2 Sísaga síwáhnorúwana abapete morá wéhékáh parabagútaq wega Pítareh Sémísireh Sónireh sebataq meriqmena anotah sawéhrápéq kiuwe. Kiuwara mó kegá íre míowara sega tagotaq Sísane auranabiah mó kugú kaweq kugú agúwe.

3 Wene korósi patahga tahnsanue anotah tabérábé agúwe. Mina tahnsa tabérábéwé mah marákóipéqté ambanta pabeq paberi anínká íre miraorahire.

4 Éráisareq Mósísireqka íópeqté tunse ábóraragéra Sísareq ehwehnuwe.

5 Ehwehnuwana Pítaga Sísansabé, Íwáhnoraníno, ite mahtaq mionayabé aiq kawerire.

Apaharáo úqna pearanéhe. Arene morá, Mósisine morá, Éráisane moráue pearanéhe úwe.
6 Se anotah ahréu puana Pítaga íre iwíáhia pehipi irarúwe.

7 Irarútaq írabúyánka seubítíowana mipéqté éhwéhnká mahraréna,
Mah anímé niruní nénáhní míre. Wene ehweh íráhro úwe.

8 Úwara Sísaga kéro kega apubúue aurankahnkaue tagowara mi anité íre míóyana peh morá
Sísaga webataq sereq míowara tagowe.

12:28-31

Manikáne kiotaiki sansánsábé éhwéhne.

(Mátíyu 22.34-40, Árúka 10.25-28)

28 Mósísiga sehgióro ú ehweh síwáhnori aní mitaq súwara Péhrasi kegá ehwehuwana
irowe. Sísaga Sáyúsi kené kase ehwehnsabé tábúsoqme teriu púana wega Sísansabé
kasenána, Sehgióro ú ehwehmé aneq éhwéhnká mó ehwéh kiotaikiro úwe.

29 Úwana Sísaga wensabé, Kiotaiki ehwéh teaweníboq iro.

Ísara keo, írátíáhro.

Maniká itene Wahnah peh morá aní míéhre.

30 Maniká itene Wahnahnsabé irutaboiroro.

Moke itene irupipeqkákáq

moke iteiwankakákáq

moke itene iwíáhopipéqkákáq

moke itene págege inónkánkákáq

Manikánsabe irutaboiroro.

Mah ehwéhmé moke mó sehgióro ú ehweh aiq kiotaikire.

31 Mó kiotaiki ehwéh iro.

Arerensabé arutaboirónanserah

mó anínsabé moq arutaboirúno. (Lo 6.4-5, Wok Pris 19.18)

Mó sehgióro ú ehwehnká mah ehwéhtaré íre kiotaikire úwe.

14:10-11

Súrásaga wahnah keyábé, Ite meiqmena Sísaba móitanie ú ehwehne.

(Mátíyu 26.14-16, Árúka 22.3-6)

10 Sísaga kéro ke airápété téhranité míówe. Sebaté aní wenáwíqtare Súrása Ísíkáríotie.

Wega Manikáne ehweh mibeq mahbeq arítáh kébá pokue sensabé, Sísaga iteba méauwaníe
úwe.

11 Méauwaníe teriuwara iwíáh iwíáhéra móne awenéhboq miraúno uwana Súrásaga kowe
aritená se Sísaba mórite tanáhráqsábé iwíáhue kabarúwe.

14:44-46

44 Seneherautaq koweriro anínká su ke teriena, Ínéga nánkóqnahna anímé Sísaga wire.

Táhtoqme kawerue meqme móáúwáhro úwe.

45 Minayabe Súrásaga sútaq Sísaga apubúue séna wensabé, Íwáhnoraníno éna
nánkóqnówe.

46 Nánkóqnówara sega Sísaga táhtoqme ambubue táhtotíówe.

15:6-15

Páhirátiga, Sísaga awankátaq táhparáhro ú ehwehne.

(Mátíyu 27.15-26, Árúka 23.13-25, Sóni 18.38--19.16)

6 Anotah tahutáhúro tanáhráq mó opéq mó opéue karábúsiipéqté aní Asiu kegá pugeqio
teawú ani Páhirátiga pugesuaq pugesuarúwe.

7 Wehukení wenáwíq Párehbae. Wereq mó kereq ebehutaq Párehbaga wehukení subiq
suonsabe karábúsiipéq míówe.

8 Karábúsiipéq míowara áhnte kegá kire Páhirátinsabé, Are ahriahri mira aruqarurona
serahnúno uwe.

9 Uwana Páhirátiga sensabé, Asiu kené anotah Wahnáh pugeq inínkono kasenúwe.

10 Kasenána iwíáhéna, Manikáne ehweh mibeq mahbeq arítáh kégá, Sísaga ite
kiotaikíneho éra abiahnsa atáh púara ínéba meqme sewe iwíáhúwe. Mira iwíáhú púana
wega sensabé, Asiu kené anotah Wahnáh pugeq inínkono kasenúwe.

11 Kasenúwara Manikáne ehweh mibeq mahbeq arítáh kégá míó keyabé pagu pagunéra,

Mah ehwéh Páhírátí koreawéro. Wensabé teaweq, Párehba pugeqauwe Sísa subiq súáhro arito koreawéro éra pagu pagunuwara míó kega, Párehba pugeqio uwe.

12 Uwana Páhírátiga sensabé mó kasenéna, Itega ite Asiu kené Wahnahne ue áwiratáh ánimé aneratanínkono úwe.

13 Aneratanínkono úwara sega ehweh kikiréra, Awankátaq táhpawe subiq suo uwana

14 Páhírátiga sensabé, Aneqsabébo? We aneq ahababáriro kasenúwara sega mó anotah ehwehnabaéra, Awankátaq táhpawe subiq suo uwe.

15 Uwana Páhírátiga míó kene sirupipeq eyoyóigeheéna Párehba pugeq auwena Sísa árėti sahtáté subóro aritena sóntía kegá awankátaq táhpawe subiq suageheéna siuwe.

15:33-39

Sísa pukú ehwehne.

(Mátíyu 27.45-56, Árúka 23.44-49, Sóni 19.28-30)

33 Wéhékáhnabubu moke mah marákó marákó sunkíkíragúwana íó tunsorerutaqkakáq peh sunkíkíratiowe.

34 Tunsorerutaq Sísa wewene ehwehta Wenabonsabé anotahtaq mahraréna, Írói, Írói, tahmah sabáhtahnie úwe. Mi ehwéhnúmé, Nániboo, Nániboo, aneqsabé íné nuwahno úwe.

35 Úwara táhmaro iriwe míó kega irera mahraréra, Íráhro. Éráisansabé áhrabire uwe.

36 Mibeqté ánínká pehbeheráh sehenáh tahnsa náneq mewena kítাবেh nah naneqpipéq pámbáhue sehikaratáq maqme pankeqme Sísa píbira nankeheéna awuwe. Awena mahraréna, Éráisaga marakóipeq atanabiramo. Taganeheqmúne úwe.

37 Úwana Sísa anotahtaq ehwehnéna putiowe.

38 Putiotaq Manikánsabe iwíáh iwíáh atáh náhtápéqté párahnkéq tahnsa ónsá senahpeqté subame tunse téhtaré úkúwe.

39 Sóntía kené kíápéténiga Sísa auranabiahapeq ména we putionsabe tagarawéna mahraréna, Mah anímé aiq pútaq Manikáne ahnikáwá wíre úwe.

15:42-46

Sísane anonka maisé onápípeq maisaró ehwehne.

(Mátíyu 27.57-61, Árúka 23.50-55, Sóni 19.38-42)

42 Ahbiah tahnsá ahrena ahrena wehekáh ibora táhnsá táhutahuq kaweq kaweré wehekáh íó tupekútaq Sósépa Páhírátiba pokúwe.

43 Sósépawe Árimátéa suwahpeqte áninúwara mó kegá, We kaweq abóáwáh wéh wíre iwíáhuwe. We Manikánka wahnah wahnahni tanáhráq áwénunue taga tagaú aní míre. We íre áhrea Páhírátiba pokéna wensabé, Sísa anonka mewena mómaisaranínkono úwe.

44 Úwana Páhírátiga, We putiehramo iwíáhéna kíápéténine wahnah áhrabéna, Aiq putiehro éna kasenúwe.

45 Kasenúwana, Aiq putíéhre úwana Páhírátiga Sósépansabé, Wene anonka meyo úwe.

46 Úwara Sóséparehga íre wahto taberábe ambántá paiqmarera Sísa anonka kiwewe marakóraq márumarera ambantápeq úbíqme mewera ubusa onápípeq mómaisarówe.

Maisarera ebah ubusa onápípeq marera anotah ebáh paentáwe kure maisiaró mehpeh paiqmarera pokuwe.

16:1-7

Sísa oganúkú ehwehne.

(Mátíyu 28.1-8, Árúka 24.1-12, Sóni 20.1-10)

1 Ahrena ahrena wehekáh parabagúwara Mágara suwahpeqte íní Máhrireq Sárómireq Sémisine anowa mó Mahrireqka Sísa anonka abaq ataneheéra kaweq kunkúni werí paiqmárowe.

2 Paiqmárowana o wikí kowara ebeqte wéhékáh ahbiahipaq íó kiembogútaq mi inínsónká maisiaró onápípeq pokéra ahtapeq kure

3 seye náhenéra, Méhpeh paiqmárah ébáhmé insega paentáwe méreitanabomo uwe.

4 Uwana anotah ebáhnaba kowara sega tagowana méhpehta íre paisa peh móbeq kowara tagowe.

5 Tagéra maisiaró onápípeq kibekuwana íre wahto taberábe korósiákáq máhbí éberiopeq tútuue míowara tagéra áhtenuwe.

6 Áhtenuwana wega sensabé, Íre áhtenoro. Ite Sísa Néhsara suwahpeqte áni awankátaq táhpato aní seragahwe. We oganúkéna mahta íre míéhre. We maisatotaq tagahro.

7 We kéro kereq Pítareq korerieq, Wega Kehrari marakórápéq ebeq kínaq itega mitaq

kirataq tagagehe. Wega teiátáinserah itega mitaq we tagagehe koreriéro úwe.

16:15-16

15 Sensabé, Moke mah marákó marákó pokue mah kehiná kéhíná kaweq ehwéh koreriéro.

16 Ínénsabe aiq pútare aintera wání meyéhra kewé Manikánka oganúq sitankéhe.

Ínénsabe íre aiq pútare aintéhra kewé ehweh aritankéhe.

16:19-20

Manikánka Sísa íópeq tumero ehwehne.

(Árúka 24.50-53, Eqmaro Ke 1.9-11)

19 Sísa itene Wahnahnka aiq teriuwana Manikánka we íópeq tumerowana wene ayah púpeq tútuue míowe.

20 We kéro kega pokue mah marákó marákó áhnte kehiná kaweq ehwéh teri terinuwe.

Itene Wahnahnka se séhréh aritonsabe sega ótaq sansá mirauwara író kega tagéra, Mah ehwéhmé aiq pútaq Manikáne ehwéhne uwe.]